

《中國地方藝文薈萃》編委會 編

中國地方藝文薈萃

學苑出版社

華北東北卷·第一輯 總

華北東北卷·第一輯
肆

中國地方藝文薈萃

《中國地方藝文薈萃》編委會
編

貴州師範學院內部使用

國朝畿輔詩傳六十卷（四）

貴州师范学院内部使用

國朝畿輔詩傳六十卷（四）

（清）陶樑輯

據清道光十九年（一八三九）紅豆樹館刻本影印

國朝畿輔詩傳卷三十一

長洲陶 樑鳧薌輯 慶雲崔 旭曉林校

王蘭生

蘭生字振聲號坦齋交河人康熙六十年進士

歷官禮部侍郎

全祖望王公墓志安谿相國督學畿輔公時方
試童子安谿一見奇之拔冠其曹教以窮經已
而文貞以吏部尚書兼撫直隸檄公入保陽書
院為都講及入正揆席招公入京安谿之學留
心律呂歷算音韻有發前人所未及者公皆得
其傳時 廟堂方開書局旁求哲士
聖祖仁皇帝神明天縱自六經外於諸家皆能
洞探其安奧疏決其障礙而安谿之學適與有
合然以閣務繁不能任編纂乃薦三人其一今
禮部尚書景州魏公其一即公其一今順天府

丞寧國梅公同入 直晝日三接以膺 顧

問遂得時受 天語指示校審周易折衷

以至纂輯律呂正義數理精蘊卜筮精蘊音韻

闡微諸種又編朱子遺書公皆與焉而律呂音

韻二者公之力尤多公於律呂少有夙悟安谿

嘗以朱子琴律圖說雕本流傳多誤令公正之

公為之抉發証明遂可推據既得承 聖

祖所授御製律管風琴諸解乃本明道程子之

說以人之中聲定黃鐘之管積黍以驗之展轉

生十二律皆與古法相應又至郊壇親驗樂器

而後知管音有長短巨細之差故有黃鐘積八

倍者或四倍者而匏笙之管反有黃鐘積八分

之一者至塤箎之數亦皆以黃鐘積實加減而

得其應聲至弦音則但爭長短或用倍或用半

其聲已應蓋立方者用體平方者用面有不同

也其說弗盡符於朱蔡而與管子淮南合音韻

則公得之安谿之說者大畧與崑山顧氏同而

較密又承 聖祖之誨知國書與古法合

并外蕃諸國韻書亦有合者今人皆疑歌麻支

齊微魚虞七韻無頭不知七韻乃聲氣之元能

生諸部切諸部而不為諸部之所生所切宜居
 部首即國書第一頭喉音五字也等韻之易錯
 皆由清濁之不分乃即用國書五字頭為聲音
 之元以定韻又用連音為紐切之法以定等皇
 極經世韻圖詳等而畧韻顧氏則詳韻而畧等
 互有異同是書出較若列眉而萬音畢舉矣是
 時翰詹宿老容有未盡通其義者公以布衣諸
 生親接君相之緒言披卻導竅釐為一代石渠
 大制作誠遭際之極隆也聖祖以癸巳
 秋特賜公同與禮闈試尋丁外艱許以所
 纂書自隨辛丑春特賜公同與殿試改翰林
 院庶吉士世宗憲皇帝嗣位授編修乙
 巳遷司業丙午主廣東秋試事還京詔
 督學浙江浙中素稱多士公未嘗稍徇物望也
 而高材生俱列甲選在浙三遷至侍讀學士移
 節安徽得士如浙中晉閣學是秋即主江南試
 事以學臣而主試亦前此所未有也再移節陝
 西得士如初會所貢舉士挂吏議連及左遷需
 代吏部推翰詹諸人入見世宗熟視良久
 久曰恐皆非舊學臣之繼也乃留公俟期滿而

以少詹蒞事 今上嗣位仍晉閣學還京

公以浙江銅政大壞長吏之任事者輒因請變

通其舊例陝中流民舊皆令土人養之宜令有

司別為安插皆仁心仁術也適 詔修三

禮以公同總其局是冬晉刑部侍郎尋調管禮

部公之治事縝密而周詳毫髮未至不敢即安

漸以積勞致病顧為受 恩重不敢言

世宗梓宮發引公扈從出行次涿州從者前有

所白則危坐卒於肩輿中 上聞軫悼賜

帑金五百督臣為治喪 賜祭一壇論者惜以

為未竟其用焉 卒年五十有八

隨園詩話余十二歲受交河王先生知入學十

五歲受安谿李先生知補增感知已之恩求王

李二公詩 不可得

熙朝新語交河王蘭生與景州魏廷珍以李文

貞薦入直 內廷在館充校對官編樂律淵

源諸書嘗被 命與文貞 參酌樂律韻學士林以為榮

送安谿先生給假歸里

夫子命世儒千載明良遇德位兩相符

君臣一

心固自昔履諸艱屯亭望彌著婉轉達恪誠精明行平
恕衆美萃厥躬欲言難指數余生十室邑幼乏師友助
應試始童子摳衣謁公署拔之儒州中詔以賢關處手
授牒著法口傳太極註及擢鎮封疆九郡才英聚得廁
精舍苟與聞名理趣如寶盈市屢取攜恣所慕願奢力
不充駑馬躓長路佳藥贈葭苓名醫尋扁跗成我同再
生奚止陶冶鑄場來遊
帝都校讐得參與朱子
八十篇從頭味章句遴才廣闢門匪俊亦獲籲頑璞綴

琮璜短翮隨鴛鷺理數聆精微大樂間韶濩分薄榮寵
多夙夜抱憂懼孚愧未盈缶并起徒射鮒凜凜師傅言
昭昭 聖哲諭事上在立身曰惟尊矩度重任不
易勝至道難遽悟所期一藝明敢辭千辛赴有階始可
升迷津焉得渡轉盼兩春秋再啟余心錮

壽安谿先生七十

夫子生南極海嶽精英聚派衍延平統學躡紫陽步立
言復立功炳炳德所著早歲誦羣經窺見孔顏趣三十
游翰苑 眷求寵日注密策破逆藩舉賢蕩海霧得告
篤忠貞還 朝懷孺慕孤介萋菲來易簡險阻去三輔

視人文清風歌滿路藹藹師弟情德音每傾吐共知經
學尊一掃時文蠹旋
敕撫畿疆八年勞姁嫗盡

除供給煩深恤農民苦潔己不驕人作德非干譽恥爲
赫赫聲日久名益樹洎
召秉 國鈞彼此無惡

數已盡變理能猶凜冰淵懼大業今云隆問學彌優裕
政事車馬間無日忘章句奧旨低處尋要道平日悟學
易五十年功深味尤飫淵溯伊洛源津問濂溪渡十翼
細發揮三古遞疏註其他經子說縷析天人故論兵握
機明講樂旋宮布歷訪宣城梅韻取亭林顧曲藝搜其
根衆妙如奔赴生也駑駘資奚堪良造馭春風十二年

化雨潤草庶撫已慙劣薄匪顏勞孔鑄亦嘗冀一得何
敢辭千慮有時覩微茫驚喜徹宵曙佳節近重陽七十
今初度綺筵錯觥觴冠裳拜階阼賤子獨後來有懷欲
陳鋪脫略溢美詞聊以披情愫德願邁衛武壽祝過文
潞於焉樂循牆永倚龍門固

雞冠

參差丹檻外彷彿德禽棲采羽殊疎淡層冠甚整齊微
搖疑欲鬪久聽不聞嘶時值秋風靜凝然養木雞

老少年

色爲羣芳殿紅待雁南還謂老何更少經霜乃獨妍如

花攢密葉似錦帶朝烟解得成丹術於斯可永年

送李廣卿歸養

艾年柱史彩衣新奉

命歸來許養親已著鴻文

輝碧漢思供斗酒萃嘉姻計程遠倚三千里獻壽行將
九十春進退有關名教重非乘秋興憶菰蓴

閩山藍水毓冲和上壽筵前集玉珂七壻八男今倍矣
敦詩說禮古如何斑衣柱史老萊子絳帳嚴君馬伏波
將相人家忠孝第爰申五福備三多

隆顧虬日柏松蒼退諾深醇蘊義剛指別寒温昭燮理
毫生花鳥露文章經書滿腹渾融化闕閤門高不設張

國朝勳車言作 卷三十一
竊比他山石攻玉猶嫌卑牧太謙光

世德由來不易名前賢砥勗在持盈虛懷堪使愆尤寡
秉禮猶妨悔吝生家政足瞻儲相業鄉評首重育羣英
清宵三復文貞句小宛詩篇一再賡

恭和

聖製喜雨詩

麥苗方長穀生芟得雨蕃滋衆卉皆兆庶咸歌

天德大

精誠自與化工諧行看穎粟徵全美此

際風光已最佳共仰

宸章昭碧漢欣同萬國慶

榮懷

萬年寶曆詩

寶厯千支徧貞符運祚昌百僚齊忭舞萬國會梯航極
朔來琛幣遙西貢筐筐譯重何輻湊海久絕波揚解澤
真無外仁聲詎有疆
君師極永建創守業兼彰

睿慮周千載勤思徧八荒指揮除釁孽秉鉞掃
櫓槍西北窮山界東南跨海洋運籌如掣電殲寇等驅
羊溫肅無偏側權衡妙度量隨時舒武略卽事見慈祥
耕織圖恒玩雨晴錄必詳盈宜欣葑屋誠敬達
穹

蒼
天語頌膠序
鴻文凜廟堂教思同孔孟心

畫透羲皇學斂諸經液行昭百代坊採言分正僞好古
別低昂挾藻超風雅揮毫邁晉唐律成符累黍音正析